

چند حکایات

مشختہ جلیلہ اسلامیک نکتہ جریدہ رسیہ پیدر

ربیع الاول ۱۳۳۶

عدو: ۳۴

آیدہ بر نشر اولنور

در دجی سنہ

مجلس مبعوثانك عريضه جوابیه سی

شوكتما ب ، خلافتناه افنديز حضرتلری

انسانیت عالمی ایچون حقیقه مثلی کورولمه مش بر فلاکت اولان عمومی حربك بو سنه سندهده متفق اردولرك يكي يكي حماسه منقبه لريله تاريخلرینه برر داستان شان وظفر اتخافنه مظهریتلرینی حق وحقانتك حامیسی اولان رېزك عدل و مرحتندن تضرع وموفقیات شاهانه لرینی تنی ایلرز .

مشترك دشمنلرك بويوك تداركلر وتكلفلر ياپارق غرب ساحه سنده کیریشدكلری تعرضلر دائما ضرررسزجه وکندی ضررلرینه دفع ایدلدیکی کبی ، حقك عنایتنه وحقلريله برابر بربرينك قوت وتساندلرینه اعتمادایدن متفق اردولرك شرقده نهائی ظفرك مبشری اولاجق صورتده احراز ایتدکلری غلبه لردن صوکره ، ایتالیان اردوسنی ده «ایزنزو» جبهه سنده خائب وخائف قاچیرمالری ، نهایت حقك عالمی وغالب اولدیغنه دلالت ایتك اعتباريله جهانیه یادکار قالمغه لایق بر مثال عبرتدر .

انکلیزلرك «غزه» جبهه سنه طوغری عظیم قوتلره تکرار بتکرار صولت ایتملرینه مقابل ، قهرمان عسکرلر مرکز کمال مهابتله قارشى طورمش اولمالری ، اردونك متعددومشترك جبهه لرده مشغول اولماسندن استفاده ایدهرك مبارک طوبراقلرمزه آیاق باصان مستولیلری دیگر ساحه لرده اولدیغی کبی ، عزم وتساندك مظفر سلاحلرمزه ویردیکی قوت قاهره ايله یاقینده حدودك اوتنه سنه سوروب آتاجقلری ووطنمك هیچ بر بوجاغنده بردشمن بر اقیه جقلری حقدده کی آطمینانغزی تقویه ایتشددر .

حرب میدانلرنده هر دجه مظفر اولمقدن نوید اولان خصملر مرکز متفقلرمزه بزى آجلقله دوشورمك وبوغق قصديله عادتاً آغلر و طوزاقلر شکندده قوردقلری ترتیلره قارشى ، ضرورتدن طوغمش بر مقابله بالمثل وبر مدافعه مشروعه اولارق تحت البحر محاربه سنك تشدید ایدلمه سی اوزرینه ، آمریقا حکومات متحده سنك متفقمنز آلمانیا

حرب اعلان ائمه‌سی قارشيسنده حكومات متحده ايله بزمده قطع مناسبت ائمه‌منر طبيعي و ضروري ایدی .

حربك مسئوليتی كوچوك ملتلك حایه‌سی كی بر كسوه آلتنده كیزله مك غیرتندن بر زمان فارغ اولمایان ائتلاف حكومتلرینك یونانستانی آتسه سوروكله مك مقصدیله حقوق دول ومله قارشى ارتكاب ایتدكلى فضیحه‌لر ، بو زمرة مك قوللریله فعللری آره‌سنده نه درجه‌لرده بویوك مبايتلر بولونديغلك باهر دلیللر ننددر .

هر معناسیله انكشافزه تعرض و موجودیتزه سوء قصد ایدلش اولان بز متفقلر ، صلحدن بروقت قاچماق حربده دوام ایدركن ، پاپا حضرتلرینك بهوده قان دو كوله‌سنة آرتق نهایت ویرلمه‌سی طلیله ، مخاصم دولتره وقوع بولان صلح تكلیفی تقدیره شایان بر تثبث علویدر . متفقلر مزله برابر طرفزدن بو تكلیفه صمیمیتله جواب ویرلمه‌سی ده موازنه دولیده متفقلر مزله برلكده صلح و مسالمت عنصرى اولق یولنده كى آمال ملیه‌یه توافق ائتمشدر . اساساً بزم حربدن مقصد و غایه‌منر طرف هایون ملوكانه لر نندده بیان بیوردینی وجه ايله موجودیت و وحدتمزى و بالجمله اراضیمز اوزرنده كى حقوق حاكیمزى مطلق و قطنی بر استقلال دائره‌سنده محافظه ائتك و سربستی انكشافزى هر درلو تأثیرات و مداخلاتدن آزاده بر حالده تأمین ايله مكدن عبارت دركه بو قیود و شرائط محفوظ اولق شرطیله صلحه آماده اولدیمز كى حقوق مشروعه‌منر تسلیم ایدیلنجیه قدرده چنكه دوام ایده‌چكن .

«طوغریدن طوغری‌یه حیاته و موجودیته تعلق ایدن منفعت و غایه‌لر مزك طبیعی ایجابیله متفقلر مزله آرامزده كمال مودت و امنیتله جاری مناسبات سیاسیه و مدینه‌نك كوندن كونه آرتوب کئیمه‌سنی و بو سائقله معظم متفقمز ایمراطور حضرتلرینك سلطنت سنیه پای تحتی زیارت ائمه‌لرینی ، قیمتی لایقی وجه ايله ادراك و تقدیر ایده‌رك ، سلاملاز .

بی طرف دولترلره كافی السابق مناسبات دوستانه‌نك ادامه‌سی و قومشومنر ایران دولت اسلامیه‌سنگ هر دورلومدا خله‌دن آزاده استقلال تام دائره‌سنده انكشاف و اعتلاسی حقنده كى آمال خلافت‌پناهیلری دخی آمال ملیه‌یه موافقدر .

« حرب بلیه‌سنگ تولید ایتدیكى خرومیتلك هر دورلوسنه صبر و مكاتله كو كس

کرمک سجه سنی عصر لردنبری محافظه ایده گلش اولان ملت ، بو مبارزه دهده صوکنه قدر ثباتده بولونمغه عزم ایتشددر .

الجات حاضره نك اك مبهم ضرورت حالنه قويدینی تزید استحصالاته متعلق تدابیرك مجلسمزجه هر صورتله تأیید والتزمی طیبی اولوب بو آراده مملكتك آقی اقتصادیسنی احضار ایتك یولنده کی تشویقاتك ده ضرورت حالیه نك تهوینی واجبه سیله تألیفی الزم اولدیفنه قانع اولدیغمزدن بودائرة ده تألیفنه چالیشیله حق انشراح وانكشافك هیتمزجه ده مسرت وافتخارله قارشیلانه جنی شبهه سزدر .

بز ملت ممثلری ، حرب حالنك مالی معامله لر من اوزرینه تحمیل ایتدیکی آغیر لقلرك تحفیف ایدلمه سی نامنه ایلر سوروله جك هر تدبیری حسن نیت وکال بصیرتله قارشیلایاجغمز کي ، بودوره ده مجلسمز تودیع ایدیه جك قانون لایحه لرینی ده ایچنده بولوندیغمز شو اك نازك آنلرك ایجاباتی دائما کوز اوکنده طوتارق اتحاد و وفاق دائره سنده تذکر وتدبر ایلجه جکر .

ایشته مجلس ملی بو عزم ایله وظیفه سنه مباشرت ایدوب ، جبهه لرده وجهه لر کریسنده وجودلرینی بدل ایدن غازیله ومجاهدله سلاملر وشهدله فاتحه لر اتخاف ایله یه رك سوکیلی پادشاهلرینك معلا عتبه لرینه تعظیملرینی عرض وتکرار ایتکله بختیار اولور .

